



# Synfocity = 381

15<sup>th</sup> March, 2012

mail us at : [mzsynfo@gmail.com](mailto:mzsynfo@gmail.com); [mizoramsynod@gmail.com](mailto:mizoramsynod@gmail.com) - Phone - 2314648

## ☐ Kohhran Hmeichhe Rorel Inkhawm

March 9 - 11 chung khan Tlangnuam Presbyterian Kohhran Biak Inah Mizoram Presbyterian Kohhran Hmeichhe Rorel Inkhawm vawi 6-na tluang taka neih a ni a, thupuih 'Lal Isua a lo kal leh dawn' (Tirh. 1:11) tih an hmang. Rorel Inkhawmah hian Rev. Lalzuithanga, Executive Secretary i/c Women; Dr. Lalrindiki Ralte, Lecturer A.T.C; Pi P.C. Vanlalnghaki leh Ni. Vanlalsawmi, Kohhran Hmeichhe Asst.Co-ordinator ten thupui hmangin Pathian thuchah an sawi thin bawk. Kristian Chhungkaw dinmun tehnaah N.E. Khawdungsei Bial an sang ber a, kumin hi a zawna kum 5 an lakna a ni.

### January - December 2011 reports :-

♦ Presbyterian hlang chungkaw zat	-	93,188
♦ Inawmpawlh In zat	-	4,270
<b>Total</b>	-	<b>97,458</b>
♦ Nitin chung Inkhawm nei zat	-	52,451 = 53.82%
♦ Buhfai tham ziah chungkaw zat	-	94,398 = 96.86%

March 10 (Inrinni) khan nilengin Rorel a ni a, palai 379 an kal a ni. Thurel zingah kum 2014 Rorel Inkhawm chu Durtlangah ngah a ni a, Kum 2013 Inkhawmpui Lian chu March 8 - 10, 2013 chungin Venghlu/College Veng Field-ah ngah a ni ang a, Venghlu Bial, Republic Bial, Bethlehem Bial leh ITI Bial tangkawpin an thlang ang. Kohhran Hmeichhe Project, Women Centre sakna atan Kohhran Hmeichhe member zawng zawngte ni khat hnatlang (ni khat hlawh pek) pek te, kohhran tinah Women Centre Fund Raising Committee te, Kohhran Hmeichhe Ni-ah Women Centre pual thawhlawm lakkhawm te, Women Centre pualin Thawhleleh zan inkhawm thawhlawm vawikhat lakkhawm te, Women Centre Special Budget siam te, Women Centre atan Awareness Campaign Bial tinah neih te pawm a ni a. Inkhawmpui Lian thlengu tanpuina Rs. 3,00,000/- chu Rs. 4,00,000/- ah tihsan te, Rampum huap tawngtai tlaivar neih chhonzawm zel te, Thawhleleh zan vawikhat inkhawm thawhlawm Synod Hospital Charity Fund atan pek te, ruihtheih thil leh zuk leh hmuam that lohzia inzirtirna rampum huapa neih te remtih a ni bawk. Kum 2012 - 2013 Budget Estimate-ah Rs. 39,65,000/- pawm a ni a, naupangte kaihruainaah nasa zawka hma lak rawt a ni. Kohhran Hmeichhe hruaitute term kum khat ni thin chu kum hnih nise, post ngai term khat chauh chelh nise tih a ni bawk.

## ☐ Synod-in Relief Fund sem

March 8-a Synod Officers Meeting chuan March 3, 2012 - a MST Bus chesuala vanduaia tawkte ralna leh hliam tuarte inenkawlina tur Synod Relief Fund atanga sum hlan ni se, tia a rel angin March 9 (Zirtawpni) khan Synod Moderator Rev. Thangzauva chuan Aizawl Civil Hospital tlawhin hliam tuar enkawl mekte inenkawlina tur sum a hlan a, March 10 (Inrinni) leh March 11 (Pathianni) khan Hmar tlangdunga khaw hrang hrangah he chetsualna avanga nunna chante leh hliam tuarte kanin ralna a hlan bawk. Synod Moderator Rev. Thangzauva chuan ralna sum a hlan pahin hetianga kohhran hrang pawh thliar lova ralna leh tanpuina sum hlan an nihna chhan te sawi fiahin, mitthi chungte tan leh hliam tuarte tan tawngtaina a hmang zel a. Mitthi chungte leh hliam tuar chungte chuan hetianga Mizoram Synod-in an mangannate hriaa an chenna in ngeia Moderator kala tanpuina thilpek a hlan chu lawmawm an ti hle. Moderator hi Campus Ministry lam enkawltu Rev. V.L. Krosschuanmawia leh Tv. Peter Lalanpuia, Synfo Cameraman ten an tawiam a ni. Vanduaia tawkt, tun tuma hlan nghal remchang lote chu Bialtu Pastor leh Kohhran Committee ten an aiawhin an dawnsak a ni.

Synod Relief fund atang hian Nunna chante Rs. 10,000/- (cheng singkhat) theuh pek an ni a, hliam tuar damdawi in luh ngaite chu Rs. 3,000/- (cheng sangthum) theuha kan an ni a. Tin, hliam Damdawi in luhpui ngai lote chu Rs. 2,000/- (cheng sanghnh) theuha kan an ni bawk.

## ☐ HIV/AIDS inrawnkhawmna

March 12 khan nilengin Mizoram Synod Social Front chuan Synod Office-a JM Lloyd Hall-ah HIV/AIDS chungchanga inrawnkhawmna (Consultation) a buatsaih a. He inrawnkhawmnaah hian Kohhran Pawl hrang hrang Hmeichhia leh Thalai Office Bearer te, Tlawmngai Pawl hrang hrang Office Bearer te bakah Central KTP leh Central Kohhran Hmeichhe hruaitute leh College hrang hranga SEU te an sawm bawk a. Mi 70 zet an kal a ni.

Consultation hi Rev. Lalzuithanga, Executive Secretary i/c Social Front-in a kaihrui a, Dr Robert S. Halliday-an a paper buatsaih "Concept Paper" a chhiar a, sawihona hun hman zui a ni. Concept paper atanga a lan danin HIV/AIDS inkaichhawmnaah hian UNAIDS statistics 2009-'10-in a tarlanah chuan Mizoram-a kan harsatna tawh ang chi ruihhlo injection atanga kai hi chu 1.6% chauh a ni. Mahse khawvel pum huap a nih avangin a tem chhe lo hle tura ngaih a ni. UNAIDS reports-ah chuan mipat hmeichhiatna atanga kaite hi 87% an ni a. Mizorama kan la buaipui lutuk loh mahni anpui kawp atanga kai 1.5% an ni tawh. UNAIDS report-a HIV/AIDS kai chhan dang pathum la awmte zingah hian single digit pel an awm lo va, a sang ber chu kai chhan hriat mumal loh khawpa nun lepchiahte an ni a, 3.3% an ni. Mizoram chungah chuan HIV hrik pai tawh zawng zawng chu 6637 an ni a, mipat hmeichhiatna atanga kai chu 4319 an ni. Hriaa inhmatawm atanga kai 1881 an ni a, nu atanga kai naupang 244 an awm a, a chhan hriat loh 193 an awm bawk. Heng zingah hian kumin January thla chung chauhva kai hmuh chhuah thar 88 an awm a, chung zinga 64 chu mipat hmeichhiatna atangin a ni a, 21 chu hriaa vangin a ni a, nu atanga kai naupang 3 an awm.

Consultation-ah hian hmalakna tur thlur hnih sawiho a ni a, chungte chu Awareness leh a vei mekte enkawl chungchang a ni. Awareness huangah hian inneih hmaa sex hman laka inven, Kawppui nei tawhte tan mahni kawppuite laka rinawm leh an tana invawn thianghlim leh kristian kan nih ang taka Pathian tana nun vawn thianghlim kawngahte hian inzirtir uar lehzuat a pawimawh thu te sawi lan a ni. Kohhran leh Tlawmngai Pawl tinten mahni hma zawn theuhvah tun aia ngawrh lehzuat hma thar lak a tul thu te sawi lan a ni bawk.

## ☐ Synod Bookroom-in Book Fair cum Exhibition buatsaih

March 13 (Thawhlelni) khan Synod Bookroom leh Holy Mission School, Bungkawn te tangkawp chuan Holy Mission School naupang leh khawtlang nu leh pate pualin kar khat awt tur Book Fair cum Exhibition chu Holy Mission School Campus leh Bungkawn Dam Veng Tangruat Hall-ah hawn a ni.

Hawmna inkhawm hi Holy Mission School Principal Pu Lalhanchhungan a kaihrui a. Bialtu Pastor T.C. Lalnzanzovan hunserh a hmang a. Bungkawn Br. YMA President Pu V.L. Zamlova leh Synod Bookroom manager Pu Lalniliana ten thu an sawi bawk. He Book Fair Cum Exhibition pual hian Synod Bookroom chuan naupangte tan Educational Toys, School mamawh hrang hrang leh lehkhawb te man tlawm zawkin an pho chuak a, khawtlang mipui pawhin an hlut hle ani.

## ☐ CT Scan khawl hlan

March 13 (Thawhlelni) khan Synod Hospital, Durtlang chuan Hospital-a CT-Scan Room-ah CT-Scan khawl thar Pathian hnena hlanna programme an hmang.

Contd...

Programme hi Dr. Lalremthanga, Hospital Director-in a kaihruai a, Pu Lalengmawia Kawlni, Head Technician, Radio Imaging Unit chuan report a pe. Khawl thar hi Rev. Thangzauva, Synod Moderator-in Pathian hnenah a hlan a, Rev. Zosangliana Colney, Executive Secretary i/c Hospital-in Malsawmna sawiin hun a khar.

Synod Hospital-a CT Scan khawl thar hi "16 Slice" a ni a, he khawl hian CT Scan khawl pangngai hmanga tih theih loh tih theih pali lai a nei a, a pangngaiin a tih theih te ti thei vek chungin heng thil palite hi a pangngai aia a that bikna chu a ni. Khawl pangngai Mizorama kan hman mek ai hian taksa chung vawi khata a en theih huam chin a zau zawk a, a hmu fiah zawk bawk. He khawl thar hmang hian mi 50 chuang en tawh an ni a, a tha bik hle ni a sawi a ni. CT Scan hmanga inentir man hi taksa bung hrang en tul lai azirin Rs.1200 atanga Rs.2500 inkar an ni a. CT Scan hi nitin tih theih a ni a, emergency pawhin tih theih a ni ang. Pawn lam atanga pantute tan pawh a rate hi a pangngai vek a ni ang.

❑ **Music**

March 13 - 16 chungin hian Manikbond, Cachar-ah Solfa Training neih mek a ni a, training hi Pu Lalromawia, Synod Music Instructor leh Upa Thanghuta, Dam Veng ten an neihpui a ni.

❑ **Zin**

- ♦ March 13 - 23 chungin hian Field Committee hrang hranga tel turin Rev. Lalzuithanga, Executive Secretary; Rev. Vanlalbela, BEC Member; Upa C. Malsawmkima, BEC Member leh Upa Vanlalchhunga, BEC Member te an kal. Vawiin (March 15) hian Jharkhand Field Committee an thu a, March 17 (Inrinni) hian Patna Field Committee an thu leh ang a, March 19 (Thawhtanni) hian Lucknow Field Committee an thu leh ang a, March 20 (Thawhlelni) hian Delhi Field Committee an thu leh ang.

- ♦ March 10 (Inrinni) khan Sihphir Bial huapin Sihphir Kohhranah Account Training neih a ni a, training hi Tv. Zaihmingtanga Fanai, Accountant leh Upa Vanlalsawma Siakeng, Head Cashier ten an neihpui a ni.

❑ **Social Front**

March 16 - 18 chungin hian Biate Bial huapin Biate Kohhranah 'Thalaite Ih tunlai khawvel'tih thupui hmangin Seminar buatsaih a ni dawn a, seminar hi Dr. Robert S. Halliday, Social Front Coordinator leh Tv. C. Lalremruata, Outreach Worker ten an neihpui ang a, March 19 (Thawhtanni) hian Sialhau Kohhranah 'Tunlai khawvel leh ringtute' tih chungchanga inkawmhona hun anrawn neihpui nghal ang.

❑ **Kristian Thalai Pawl**

Vawiin (March 15) tlai dar 4:00 hian Synod Committee Room No. 1-ah Central KTP hruaitu hlui leh tharten charge inhlanna leh 54<sup>th</sup> KTP General Conference, Thenzawla neih zawh tak thirletna (review) an nei ang. Hemi zawh hian hruaitu tharte hian Committee an nei zui ang a, 54<sup>th</sup> KTP General Conference-a an rel, bawhzui ngaite, Central KTP hruaituten sawmna hrang hrang an dawn leh Synod Choir-te zai tura sawmna leh thu pawimawh dang engmaw zat an ngaihtuah ang.

❑ **Family Guidance & Counselling Centre**

- ♦ March 17 (Inrinni) hian nilengin Nursery Veng Kohhranah Rawngbawltu pual Counselling Training neih a ni dawn a, Inrinni (March 17) zan atanga Pathianni (March 18) zan thlengin Kristian Chhungkaw Campaign neih zui a ni ang. Hemi neihpui tur hian Rev. Dr. R. Lalbiakmawia, FG&CC Counsellor leh Rev. C. Chawngliana, FG&CC Counsellor te an kal ang.

- ♦ March 17 (Inrinni) nileng leh zan hian Republic Veng Kohhranah Pa pualin Kristian Chhungkaw Seminar neih a ni dawn a, thupuih 'Kristian Chhungkuua Pa mawhpurhna' tih an hmang ang. Seminar hi Rev. R. Lalhmingthanga, FG&CC Director-in a neihpui ang. Rev. R. Lalhmingthanga hian March 18 (Pathianni) zanah Tuikhuatlang Kohhranah hun a hmang bawk ang.

❑ **MSSU**

- ♦ March 17 (Inrinni) hian nilengin Zarkawt leh Sihphir Vengthar Kohhranah Sunday School Zirtutu Training neih a ni dawn a, training neihpui tur hian Zarkawt Kohhranah Upa B. Lalhmunliana, Bethlehem Vengthlang (MSSU Trainer) leh Pu Lalthahluna Ralte, MSSU Asst. Coordinator te an kal ang a, Sihphir Vengthar Kohhranah Upa K. Zoremsanga, Kulikawn (MSSU Trainer), Rev. V.L. Krosschuanmawia, Synod Office leh Pu R. Lalhmingthanga, Republic Vengthlang (MSSU Trainer) te an kal ang. Zan inkhawmah Fanau enkawl chungchang thuchah an sawi bawk ang.

- ♦ MSSU Exam 2011 Result peih a ni tawh a. Bial Secretary-ten MSSU Department, Synod Office-ah ngaihaven theih a ni.

❑ **Hruaina Eng FM Radio & TV Programme**

- ♦ **MARCH 16 (FM Radio @ 7:30 p.m.) : Choir** : Mizoram Synod Choir - Krista Sipai, Bawngkawn Bial Zaipawl - Dam chung nite an rei silo, **Thuchah** : Rev. C. Chawngliana - Tumna a awm chuan kawng a awm, **Choir** : Besy Choir - I hmangaih ropui, **Solo** : Vanlalsailova - An Thisenin Min Au, **Group Zai** : Zarkawt KTP Band - Tunge

- ♦ **MARCH 18 (TV Programme @ 3:00 p.m.) : Choir** : The Leprosy Mission Choir - Halleluia Chorus, Puitling Sunday School Zirlai, **Hrilhfiarna** : Lalthahluna Ralte, Asst. Co-ordinator, MSSU, **Solo** : C. Lalhmingmawii - Eldorado, **Musical Drama** : Vanram, **KTP General Conference 2012 item Lawrkhawm**

❑ **Susamachar Prasaran Programme**

March 18 (Pathianni) tlaiah Hindi Programme (Susamachar Prasaran) LPS & Zonet Cable atangin hetiang hian tih chhuah a ni ang : **Group/Choir/Solo** : Republic Veng Masihi Sangati - Dilki, **Group/Choir/Solo** : Sihphir Vengthar Masihi Sangati - Na to bal se, **Sermon** : Rev B Zobiakluanga - Jagat Ki Jyoti, **Group/Choir/Solo** : Zarkawt Masihi Sangati, **Group/Choir/Solo** : Ramhlun Vengchhak Masihi sangati

❑ **Moderator Programme**

March 14 - 18 chungin hian Latyrke, Meghalaya-ah KJP Mihngi Synod Inkhawmpui neih mek a ni a, Mizoram Synod aiawhin Synod Moderator Rev. Thangzauva leh Rev. Zothansanga, Luangmual te palaiin an kal.

**NILAI THUPUI TIHDIKNA**

Kum 2012 Nilai zan leh Beihruai Thupui Bu-ah heng a hnuacia mite hi tih dik ngai a ni e.

1. Good Friday leh Easter Programme-ah hian Tualchung Kohhranin a remchan anga Naupang Pual programme siam mai nise.
2. Easter Sunday chawhma inkhawm thupui atan Bible chang tarlan Tirh 1:22 - 32 tih chu Tirh 2:22 - 32 tih zawk tur a ni e.

Editor, SL&PB